

清夫先生蓮船經敘

大士蓮船經之作也無非發明金丹大道而已金丹大道三教眞元斯義不暫至人難得則天地之所以爲天地者亦誰得而心其心哉嗚呼古今如此其長也宇宙如此其大也乃於茲而玄微不明乃於茲而極詣罔得乃於茲而聖學弗有乃於茲而妙果無人不亦造化之暗晦道脈之衰微已乎而世人猶貿貿不悟也而世人猶洋洋自得也從釋謗道從道謗釋從釋道謗儒門從儒門謗釋道要皆以非非非究未見其一是釋教者陰道也道教者陽道也儒教者神道也儒釋道者陰陽神也分之陰陽神三也合之陰陽神一也猶人只一身耳而精氣神悉備

道藏輯要

蓮船經敘

三

續斗集一
X 1-1-1

焉三教者天地之精氣神也亦何可少世之所以彼此相詆毀者無非不知其所然耳三教之爲三教總悉歸之於無而止焉儒言至德道言靈寶釋言金剛究不分乎這箇下手雖異成功無殊儒門以萬歸一釋道以一貫萬釋教以靜宰動道教以動制靜以萬歸一故以天下爲已任以一貫萬故以心區爲權衡以靜宰動故以清靜養眞元以動制靜故以活潑證妙果功夫一到皆歸息定顧斯詣之眞諦既至秘至密而斯理之幽玄又至精至微不有指陳無由研究不有闡發無由尋繹大士以一理之相通而當此傳經之大任揚千載不傳之秘晰 古未明之眞誠能反覆而追維誠能竭力而精進則所謂人中之聖聖

中之天者不於此而見之乎但以義理精深層次幽渺言辭雖然顯明趣味實難探討讀者仔細閱者詳參不然如盲者之對鏡頑石之陳甘究於已乎何益嗟嗟斯道至大也斯事至重也非大智慧人不足以語此非大根抵人不足以識此吾也奉命較証任恐難勝然而辭不敢辭勉爲著意是故且滌慮洗心焉是故更凝神靜志焉一切磋而精爽思清也再琢磨而智平慮空也顧此難言之言叫人從何着落如丸散之於醫生如病人之於丸散不有其引藥亦枉投於是乃依文衍義略爲解釋敢言盡義蘊乎哉聊以彷彿其大概焉已矣然而餘欣未已反敘鄙懷願斯人乃於彷彿中而嚼其味焉則上帝之心遂彼大士之願足卽吾亦樂得而同處焉嗚呼亦安得斯人而共語斯道也乎

道藏輯要

逆船經敘

四

續斗集一